

滿洲名臣傳

十七下

庫文閣內		漢書
三八函	一六〇册	二三〇五號

庫文閣內		元二	
內閣文庫			
番號	漢	2305	
册數	160 (34)		
函號	290	43	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



詔

諭大學士等曰費揚古勲舊大臣今駐防歸化城軍民皆心服于此事無不能辦也尋以圖拉無警慮特爾丹將趨歸化城

詔費揚古旋師三十四年七月噶爾丹至哈

密費揚古率兵往禦噶爾丹由圖拉河西窺

去十月授右衛將軍仍兼管歸化城將軍事

十二月疏言聞噶爾丹踰巴顏烏蘭距歸化

城約二千里宜集兵遵根于來年二月往勦

詔授為撫遠大將軍

滿州名臣傳

卷十七

召入覲授方畧三十五年二月以黑龍江將軍薩卜素率兵出東路

命費揚古集兵歸化城出西路振武將軍孫思克率甘肅兵西安將軍博壽率陝西兵會期並進

上親統大軍出中路四月費揚古至察罕和碩噶爾丹驅賊衆趨克魯倫河東路兵未至科圖而上已由科圖進次什巴爾台近壓賊境五月

三日費揚古師至圖拉疏言有草四路之地為賊所焚我軍每迂道秣馬又遇雨糧運遲滯師行七十餘日人困馬疲乞

上緩軍以待會噶爾丹望見

御營于克魯倫河大驚奔竄

上密諭費揚古邀擊

親督大軍至躡追諾山

駐蹕費揚古聞噶爾丹遁歸特呼勒濟遂遣

前鋒統領碩岱副都統阿南達阿迪等率兵

先往挑戰且戰且却誘至昭莫多復分兵三
隊東則滿洲漢軍及察哈爾兵倚山列陣西
則右衛大同及喀爾喀兵沿河列陣而使將
軍孫思克率綠旗兵居中並遵

上方畧令官兵皆步戰俟賊勢披靡乃上馬
衝擊時噶爾丹率眾幾萬人我軍分隊迎戰
自未至酉斬級二千餘賊皆潰奔乘夜追逐
三十餘里生擒數百人獲馬駝牛羊廬帳器
械無算噶爾丹引數騎遠竄費揚古令阿南

達賚奏馳報

御營

召詢其詳阿南達奏曰噶爾丹聞

上親征心胆俱裂且不虞我兵絕其去路矣
然交戰擒斬過半傷斃山谷者相枕藉噶爾
丹之妻亦受戮其部眾來降者又二千餘人
費揚古恐語涉矜張故疏內約畧言之

上乃班師留費揚古駐守科圖七月奉

詔由科圖移駐喀爾喀郡王善巴遊牧地甫

至噶爾丹潛使台吉丹濟拉率千五百人來
掠喀爾喀牲畜糗糧費揚古遣副都統祖良
璧禦却之追擊至翁錦賊敗遁費揚古尋以
馬疲移軍喀喇穆倫會噶爾丹使其宰桑格
類固英等來請納款
上再幸塞外
駐蹕棟斯拉
命費揚古馳赴黃河西界
行在入對

論及昭莫多之戰勢如破竹寔為可嘉費揚
古奏曰軍中機務皆遵

上密諭以聖成功西路官兵聞

聖駕先臨克魯倫河無不踴躍奮勉噶爾丹
之敗衄皆

睿謨神武震以軍威迫之窮蹙所致臣不能
生擒以獻罪也

上曰觀來降台吉等及格類固英之言噶爾
丹窮蹙是寔朕意不忍悉加屠戮欲招降其

衆撫而治之費揚古奏曰

聖意寔非臣等愚昧所能測真

天地好生之仁也翌日

賜御佩橐韃弓矢遣還軍營三十六年正月
阿南達自肅州奏報哈密回人擒猷噶爾丹
之子塞卜騰巴爾珠爾等

上以其疏錄示費揚古

賜胙肉鹿尾開東魚等物

諭曰時當上元令節衆蒙古及投誠厄魯特

齊集暢春園適阿南達疏至衆皆喜悅爾獨
居邊塞不得在朕左右殊深軫念故以阿南
達疏示知並賜物問爾無恙卽如與爾相見
也二月

上幸寧夏

詔費揚古密籌進勦噶爾丹費揚古疏請罷

大將軍任隨領兵將軍出征

上不允所請令便宜調遣兵馬以行

上由黃河西岸

駐蹕達拉布隆

頒賜上駟院馬五十駱駝十費揚古進次薩奇爾巴勒哈遜時厄魯特部衆降者相繼丹濟拉亦遣人納款言噶爾丹已死欲携骸骨及其子女並率三百戶來歸費揚古以

聞

上回查留費揚古駐師察罕諾爾以待丹濟拉六月丹濟拉至哈密費揚古有疾

詔昭武將軍馬思喀代統其兵費揚古還京

仍任領侍衛內大臣晉封一等公費揚古以噶爾丹雖死非係生擒疏辭封爵得

旨宜遵成命毋固辭

諭大學士等曰塞外情形不可臆度必身歷其境乃有確見昔朕欲親征噶爾丹衆皆不欲惟費揚古密抒謀畧與朕意合遂悉以西路官兵令其統領進兵道路遼遠兼乏水草乃全無顧慮直抵昭莫多奮揚軍威俾奸狡積寇挫衄大敗累年以來統兵諸將未有能

過之者又

諭曰朕屢出征知爲將甚難固不可急亦不可緩費揚古惟相機調遣緩急合宜是以濟事四十年六月

上幸索約勒濟費揚古扈從中途疾作上停蹕一日

親往視疾

賜御帳蟒緞鞍馬等物銀五千兩遣內大臣侍衛等護送還家尋卒

賜祭葬如典禮謚襄壯以其子辰泰襲一等侯兼一雲騎尉

世宗憲皇帝雍正十年入祀賢良祠

阿南達列傳

阿南達蒙古正黃旗人姓烏彌氏三等子巴賴都爾莽奈之孫內大臣哈岱之次子也初任侍衛由三等洊擢一等

聖祖仁皇帝康熙八年輔政大臣鰲拜獲罪拘禁王大臣等以阿南達素與黨附請革任

擬立斬籍沒得

旨寬免仍任一等侍衛尋兼佐領二十七年
噶爾丹侵掠喀爾喀阿南達奉

命偕喇嘛商南多爾賚

勅往諭以休兵和好噶爾丹旋遣使入朝而
肆掠如故二十九年二月

上命阿南達往會喀爾喀諸部兵進勦噶爾
丹三月以尙書阿喇尼副之阿南達還奏噶
爾丹爲托多額爾德尼擊敗窮蹙奔鼠至有

兩人共一騎者及削木爲杖者請發滿洲勁
旅乘機往勦

上命選察哈爾兵六百阿南達率之赴圖拉
策應西路都統額赫納軍五月阿喇尼奏請
移西路軍會勦阿南達率兵北渡澗海會

命裕親王福全爲撫遠大將軍阿南達以兵
會之八月敗噶爾丹于烏闌布通三十一年
奉

命赴寧夏招和碩特布台吉巴圖爾額爾克

滿洲野傳卷十七

濟農來降是年十一月擢正黃旗蒙古副都

統三十二年二月

上聞噶爾丹將取糧哈密

勅郎坦爲昭武將軍備兵寧夏以阿南達屢
至邊境偵悉敵情

召還三十五年二月

上親征噶爾丹以撫遠大將軍費揚古率師
出西路

命阿南達往喀爾喀諸扎薩克旂分選熟識

路徑者二十人爲嚮導五月

上由中路進勦至克魯倫河噶爾丹望見

御營大驚奔竄阿南達同費揚古由圖拉進

趨昭莫多聞噶爾丹遁歸特勒齊費揚古令

阿南達同前鋒統領碩岱副都統阿迪等率

兵先往挑戰佯却誘賊至昭莫多大軍合擊

敗賊追逐三十里擒斬無算噶爾丹引數騎

遠竄阿南達赴

行在奏捷

召詢交戰情形阿南達具述其詳復奏言陣
獲厄魯特人皆云噶爾丹聞哨卒報稱
皇上親征猶不信謂必遣將前來無足懼後
有彼所親信人由大軍縱歸具言
親征果真軍威難敵乃惶惧鼠竄屬下人多
怨懟者噶爾丹亦深以爲悔
上曰此番師出卽奏膚功皆
上天眷佑也乃班師
命阿南達駐守肅州七月

詔移兵邊境偵噶爾丹聲息相機勦撫阿南
達尋疏言昆都倫額濟內諸處各遣官率兵
分駐哨探臣親率巴圖爾額爾克濟農之兵
復與提督李林隆商議哨絲旗兵携子母
砲位赴市隆吉爾相度要隘分置策應乃還
肅州

上以所奏示議政諸大臣曰阿南達處處備
兵朕甚嘉之噶爾丹之自昭莫多敗竄也其
部衆多離散噶爾丹多爾濟者其妻弟也勢

窮蹙持兩端阿南達至布隆吉爾擒其哨卒
肆格遣歸招降噶爾丹多爾濟遂遣使通款
阿南達因其使檄哈密回人曰聞邈來人言
噶爾丹窮困所屬不及千人無口糧冬衣倘
來投汝地汝卽擒之令噶爾丹多爾濟助汝
汝勿疑又傳語噶爾丹多爾濟曰哈密若有
噶爾丹葦息報汝汝卽遣人來報一面往助
哈密協力而行十一月阿南達復往布隆吉
爾噶爾丹遣其族姪固蒙多爾濟等與達賴

喇嘛青海諸台吉通問阿南達偵知率兵追
及于素爾河擒固蒙多爾濟等百餘人至肅
州並以賊書十四函呈奏三十六年正月哈
密回人擒噶爾丹之子色卜騰巴爾珠爾等
獻于軍前阿南達械送至京閏三月疏言厄
魯特晉巴徹爾貝來降詞知噶爾丹窮蹙臣
請竭力進征殲滅醜族

上命阿南達與李林隆率甘州兵二千進剿
軍至塔爾河聞噶爾丹已死其屬下台吉丹

濟拉將寬巴里坤依策妄阿喇布坦阿南達
率兵追之旋奉

詔還駐布魯吉爾以待丹濟拉來歸九月丹
濟拉詣哈密乞降阿南達遣人護送入
覲是年敕昭莫多軍功予雲騎尉世職尋奉
詔率兵駐西寧四十年六月卒于西寧
予祭葬如典禮以次子阿敏多幹襲職
世宗憲皇帝雍正三年從其長子巴里坤副
將軍阿喇納請追

賜諡恪敏

馬國柱列傳

馬國柱遼陽人隸正白旗漢軍

太宗文皇帝天聰八年

命禮部考取舉人國柱與選

賜衣一襲免四丁入直內院崇德三年授都

察院理事官

世祖章皇帝順治元年大兵擊走流賊李自
成于大同代州歸順授國柱山西巡撫自昌

兩州各一守

卷十七

平出居庸關至代州任事值都統葉臣巴哈
納石廷柱等平忻州太原國柱進駐太原策
應大軍汾州平陽潞安澤州等府以次底定
賊党李過高一功遁據綏德國柱疏請分兵
東西夾擊使賊首尾不能相應則一鼓可以
成擒

上是其言二年二月疏舉明廢官巡撫張鵬
雲苗胙士太僕寺卿王邦柱巡按陳昌言等
並下部錄用六月陽曲土賊閻汝龍等糾眾
劫掠國柱遣遊擊楊捷率兵往勦擒斬汝龍
等復勦嵐縣土賊高九英招撫四十餘寨交
城賊梁自雨河曲賊李俊等與九英互為犄
角國柱亦遣將勦平之十月擢宣大總督四
年七月調江南江西河南總督五年正月安
慶土賊馮洪圖陷巢縣掠無為州國柱飭按
察使土國寶隨侍郎鄂屯率兵勦擊擒洪圖
及其党蔣懋修鍾武等是月江西總兵金聲
桓踞南昌叛賊將潘永禧突犯徽州國柱遣

滿洲駐防官兵進擊賊眾奔潰復祁門黟縣
上命征南大將軍譚泰率師討聲桓九江南
康饒州以次恢復時偽尚書余應桂踞都昌
出沒鄱陽湖國柱遣副將楊捷等隨大將軍
以雲梯攻克都昌城擒應桂斬之復擊敗賊
党鄧應龍等于武寧十月廣東叛鎮李成棟
由南雄犯贛州國柱遣兵與巡撫劉武元等
會勦大敗其眾六年湖廣流賊王定安陷羅
田結連江南英山土賊陳元等謀犯霍山縣

國柱遣中軍副將朱運亨等擊卻之三尖山
檄總兵卜從善勦白雲梅家英窠諸寨僞石
城王朱統錡糾賊五千餘由金紫寨赴援倚
山列陣我民奮力衝擊斬獲無算連破賊寨
擒偽總兵孔文燦偽副將方學達等國柱復
自率兵會提督巴山張大猷勦六安州山賊
先圍賊党侯應龍于將軍寨迎擊賊渠張福
寰賊俱敗潰陣斬福寰應龍招降僞總兵王
俊偽副將霍維倫等諸賊寨俱燬滅先是明

魯王朱以海竄舟山僞侯吳凱踞大蘭山助
之國柱奉

詔酌籌勦撫機宜知寧波貢生方聖時與僞
僉都嚴我公爲舊相識令赴賊巢陳說利害
我公遂投誠並猷招撫策國柱護送京師
上遣之賚

勅招撫國柱復寓書與凱至是凱偕僞伯顧
奇勳僞將軍姜君猷僞總兵陳德芝等繳僞
勅印來降是年秋江南河南所屬州縣有雨

雹傷稼者國柱請

勅撫按確勘分別蠲卹得

旨嗣後州縣遇有災傷督撫按卽察明頃畝
分數奏卹勿泛奏候旨遲于察勘者爲令國
柱又疏言江南旣改爲省南京國子監宜改
爲江寧府學卽其舊址新之仍支學田租銀
以供祀事疏下部議從之七年遇

恩詔加太子少保九年七月福建賊渠張自
盛竄入江西大覺岩國柱檄提督劉光弼會

閩兵合勒陣斬偽總兵李全等自盛就擒十
年五月蘓松巡撫秦世禎疏請各省州縣賦
課徑解布政司以杜勒索侵那諸弊國柱疏
言州縣錢糧由府解司所以察核完欠重郡
守之責成請于解府之時府但編號記簿無
庸拆封換批則勒索那移之弊可絕
詔如國柱所請行十一年正月海賊張名振
屢犯崇明及劉河吳松等地國柱增造戰艦
募水師遣總兵王璟副將張恩達等分兵夾

擊敗賊于靖江又敗之于泰興燬賊船賊衆
遠竄二月湖廣紅頭賊賴龍等踞桂東犯江
西國柱與湖廣總督祖澤遠會師協勦直搗
賊巢擒獲賴龍等是年遇察典加太子太保
九月以年老致仕康熙三年二月卒
賜祭葬如例入祀江南山西名宦祠

音泰列傳

音泰滿洲廂紅旗人姓瓜爾佳氏初爲西安
駐防兵

聖祖仁皇帝康熙十三年隨副都統佛尼塔
征逆藩吳三桂叛黨譚宏吳之茂王屏藩等
由漢中進師克陽平朝天等關駐守梅嶺關
射殪賊之毀木寨者追斬其渠一人賊尋糾
衆乘夜劫營音泰力禦中烏鎗折齒得上等
賞十四年佛尼塔勦叛鎮王輔臣于秦州我
軍臨壕列圍賊突騎出犯音泰射殪三人賊
駭遁復勦西和縣屢敗吳之茂等賊兵于鹽
關岐山堡十七年隨征寶雞敗賊益門鎮十

九年進征四川克復寧遠敘州擊賊將胡國
柱等在事有功二十七年授驍騎校二十四
年遷防禦明年三月署叅領隨西安將軍博
濟率兵往會撫遠大將軍費揚古征噶爾丹
出西路五月

上由中路親征至克魯倫河西西路積雨糧
運遲滯又賊屬預焚有草之地我軍迂道秣
馬音泰言于博濟曰

聖駕親臨擊賊我等宜倍道前進乃急趨昭

莫多遇賊交戰音泰射却賊數人大軍並進
噶爾丹敗遁敘功予雲騎尉世職四十一年
遷佐領明年
上幸西安音泰以校射記名與
賜晏尋授協領四十三年擢西安副都統明
年授西寧總兵官
上稔知其貧
特詔陝西督撫大臣助其練兵犒賞之費四
十六年

諭曰音泰人健材優從軍十數年身經二十
餘戰當中鎗折齒益復奮勇爛于馬步射兼
通漢文自任總兵以來外藩蒙古及內地人
民交口稱譽且居西土久熟習邊事著陞授
甘肅總督四十八年遷川陝總督入
覲

賜孔雀翎及冠服鞍馬並

御書攬轡澄清匾額

賜之四十九年幹偉沓蠻羅都等劫掠寧番

衛冕山營遊擊周玉麟遇害提督岳昇龍疏
請往勦

上命四川巡撫年羹堯偕往羹堯至寧番衛
昇龍已擒獲羅都等三人付羹堯鞠詰既定
讞羹堯遂先還昇龍同建昌總兵郝宏勳由
冕山至會垣招降番蠻諸酋願率衆十餘萬
貢納糧馬音泰疏請卽以降酋爲土司分隸
其衆因劾羹堯不偕往招撫違
旨先還羹堯革職留任戴罪効力未幾昇龍

以疾解任羹堯知其會向前任巡撫能泰布
政使卞永式借帑金萬兩尙未歸歟欲率屬
捐俸代償音泰不從羹堯遂入告

上以昇龍効力多年允羹堯代償

諭音泰宜與巡撫和衷尋

諭大學士曰音泰潔清自持不徇情面乃寔
心任事人也五十一年左都御史趙申喬侍
郎噶敏圖往勘慶陽知府陳宏道西寧知府
楊宏烈互揭虧帑婪賄歟蹟因得原任巡撫

齊世武布政使伍寔阿彌達分取火耗銀各數十兩事按律擬罪以音泰會檄示州縣官征收錢糧輕減火耗不盡行革除議褫職

上曰音泰居官甚優寬免之會奉

詔申禁游民越禁令嚴劾縱容之文武官于是邠州諸處拘繫者四十餘案每案十數人至四十餘人不等音泰疏言訊鞫各案皆藉技業營生無兇惡情狀可否解回原籍收管如再縱出境議處所司

上曰游民越禁所以應嚴禁者恐聚眾劫掠漸至難圖明季李自成卽其驗也今閩所奏各案俱以技業取錢餬口非兇惡可比應卽省釋概免官負處分是年九月自陳病廢不能理事

上曰朕前幸西安灼知音泰義勇存擢至總督正已率屬寬嚴並用軍民無不感戴朕甚愛惜之可令在任調攝五十三年四月復以疾乞罷

許解任還京給地宅田畝以旌其廉又嘗
諭廷臣曰音泰朕所特用之人初用時人不
知其善後方稱朕有知人之明五十三年四
月卒年六十有三

賜祭葬如典禮諡清端其雲騎尉世職例襲

一次

特詔世襲罔替子瑚什巴襲

瑪祜列傳

瑪祜滿洲廂紅旗人姓哲柏氏由順治九年

繙譯進士充王府教習授佐領兼刑部員外
郎遷欽天監監正時巡撫缺員多推用漢軍
給事中和達因有江南江西宜用滿洲之奏
聖祖仁皇帝康熙八年議政大臣等奉
命會推滿洲郎中以上至學士通漢文有才
能者爲江寧巡撫一再舉奏未當
上意遂

特簡瑪祜任之九年淮安揚州二府遇夏雨
連綿田畝廬舍被淹者多

詔發帑賑濟瑪祐疏請蠲免桃源等縣帶征
康熙元年至六年積欠賦銀及六七兩年未
完漕米部議漕米無蠲免例

上曰桃源等縣屢被水災民生困苦漕米亦
予蠲免瑪祐又以蘓州松江常州三府遇水
分晰成災輕重請蠲減歲賦部議令再確查
上曰今年江南水災甚大比往年不同其被
災情形曾經科臣柯聿陳奏今瑪祐以低窪
淹沒田地成災分數奏請減賦部議再令詳

察恐致遲延卽照所請行十年疏言蘓州松
江二府額賦最重由明洪武初張士誠竊據
其地久攻始克遷怒于民取豪戶收租簿付
有司定稅蘓松二府賦額較宋代多至七倍
比元朝亦多三倍是以民力困竭積逋遂多
現奉

旨分別官侵吏蝕民欠以次察追自康熙元
年至八年民欠二百餘萬恐催征亟而接踵
逃亡舊欠仍懸新逋復積請

勅部察核蘓松二府浮糧酌量減除以期嗣後歲賦清完疏下部議以科則久定寢其事時布政使慕天顏以蘓松頻遭水患議濬劉河淤道二十九里濬吳淞江使復舊規建閘以時蓄洩瑪祐與總督麻勒吉疏請以漕折銀十四萬兩充費得

旨俞允給事中柯聳奏言東南水利宜乘此大工興舉時俾支河悉疏通且爲善後計部議令巡撫等覆奏尋瑪祐覆奏各州縣支河已次第興工疏濬其歲修可令里民分任劉河吳淞江口爲海潮渾沙所注宜責成府佐董水利者于每歲水發時用淘河之法以通淤滯其吳江縣長橋乃太湖洩水要道歲久未挑上流盡漲沙灘應令縣民協力開濬又疏言高郵興化諸州縣賑濟前議四月中停止今清水潭提岸衝決田地復多淹沒請展限俟水涸可耕後疏濬皆下部議行是年以京口將軍李顯貴鎮江知府劉元輔侵餉事

發不先舉發部議降調得

旨留任十五年六月卒于官年四十有九

上曰瑪祐自簡任巡撫以來悉心任事奮勉勤勞且清慎素著溘焉病逝朕心深為憫惻下部議卹

賜祭葬如典禮諡清恪

郎坦列傳

郎坦滿洲正白旗人姓瓜爾佳氏內大臣烏拜之子也年十四任三等侍衛

世祖章皇帝順治六年遷二等侍衛隨端重親王博洛征叛鎮姜瓖師次渾源州城圍之賊渡濠來犯郎坦射其酋貫心而殪遂敗賊衆師還擢一等侍衛八年以烏拜附和內大臣洛什等造言構釁獲罪並革郎坦任九年恩授三等侍衛尋復一等侍衛

聖祖仁皇帝康熙二年代父管佐領遷護軍叅領隨定西將軍圖海征流賊李來亨等于湖廣茅麓山同護軍叅領葉楚赫深入賊巢

擒偽官十一人四年襲父一等子爵仍任一
等侍衛十二年京城有邪教陳三道等設壇
惑眾郎坦率諸侍衛逮繫之十三年奉
命行邊捕獲逃盜張飛腿等于板城十九年
擢正白旗蒙古副都統明年調本旗滿洲副
都統二十一年八月
上以俄羅斯屢擾黑龍江邊境久踞雅克薩
地

命郎坦同副都統朋春率兵沿黑龍江行獵

覘雅克薩情形相度水陸往來遠近十二月
疏言俄羅斯久踞雅克薩恃有木城若發兵
三千携紅衣砲二十具即可攻取陸行自興
安嶺以往雖無險山而林木叢雜途徑仄隘
冬雪之時沙結堅水夏日遇雨泥深淤阻惟
輕裝可行水程自雅克薩還至愛濤城于黑
龍江順流行船僅需半月觀兩岸悉可繹挽
若逆流行船約須三月視從陸倍期于運糧
餉軍器輜重爲便現有大船四十小船二十

六宜增造小船五十餘奏入

詔寧古塔將軍巴海等造船備砲擇要地駐守暫緩進兵二十二年二月擢郎坦前鋒統領九月

命往會黑龍江將軍薩卜素酌議駐兵額素哩事宜還奏額素哩今年七月卽經霜雪來年宜乘春和時以寧古塔諸處兵分爲三班更番往駐

上以更番戍守非久長策不允行二十三年

甄別八旗管兵官員之弗勝任者罷郎坦前鋒統領以子爵隨旂行走二十四年正月都統朋春同臺灣投誠左都督何祐率兵征雅克薩副都統班達爾沙護軍統領佟寶爲叅政郎坦以副都統銜隨征師旣行

上遣侍衛往

諭朋春曰朕以仁治天下素不嗜殺爾其嚴諭將士毋違朕旨以我兵馬精強器械堅利俄羅斯勢不能敵必獻地歸誠爾時勿殺一

人俾還故土宣朕柔遠至意五月師薄雅克
薩城朋春班達爾沙等軍其城南何祐等集
戰船于城東南潛進紅衣砲于城北與副都
統溫岱等將夾攻之先集柴城下爲焚城狀
其城長額里克舍乞降郎坦宣
恩諭宥其罪額里克舍稽顙謝引六百餘人
徙去其願來內附者巴什里等四十五人挈
妻子及前此被掠之索倫達呼爾戶口百餘
俱隨大軍還奉

詔安插內地毀其木城郎坦與議政王大臣
等會議鎮守事宜議于墨爾根築城駐兵是
年冬俄羅斯復踞雅克薩築城明年二月
命同班達爾沙携砲率藤牌兵百往會黑龍
江將軍薩卜素進征旋奉
詔以郎坦諳悉地形卽令叅贊軍務六月師
薄其城鑿壕築壘四面列圍賊出拒阻擊敗
之斬額里克舍尋以俄羅斯察罕汗遣使詣
闕謝罪請釋雅克薩圍

上命以別遣使來議地界

詔釋圍退駐查克丹待之尋還駐寧古塔明年擢郎坦正白旗蒙古都統二十八年俄羅斯議界使人費耀多羅等至尼布楚

上遣領侍衛內大臣索額圖等同郎坦往議以格爾必齊河及額爾固訥河爲界毀雅克薩城令其人徙去是年調正白旗滿洲都統二十九年古北口外突聚羣盜劫掠屯莊郎坦奉

命偕侍衛赫濟爾亨等督石匣城古北口官兵捕勦出喜峯口追及之龍巖門盜以鳥鎗抗禦逃踞山頂擲石拒阻傷害綠旗兵三人從役一人赫濟爾亨率兵發矢殪十餘盜復分兵山坡繞後截擊斬四十餘盜無一脫者郎坦還奏羣盜逞兇傷害兵丁侍衛及衆官兵奮勇擊斬狀下部議卹賞紀錄有差三十二年正月

上以噶爾丹肆掠喀爾喀逼我邊境授郎坦

安北將軍駐防大同二月疏請出邊駐喀喇
穆倫以偵賊情申嚴邊備

詔暫駐歸化城七月

命同副都統碩鼐叅領素丹等勘閱寧夏延
綏西寧沿邊進兵道路以

聞三十一年擢領侍衛內大臣兼火器營總
管列議政大臣三十二年授昭武將軍率兵
駐甘州八月擒獲哈密回人之輸稅厄魯特
者訊知噶爾丹所在請于來春率一進勦疏

下王大臣等議以噶爾丹已遣使乞宥罪止
之三十二年三月

上以寧夏近賀蘭山為邊隘要地

諭郎坦率兵移駐與甘肅提督孫思克分偵
噶爾丹及其姪策妄阿喇布坦構釁事遇有
邊警會商禦勦七月

上聞噶爾丹將逼圖拉

諭郎坦熟練邊情移兵圖拉禦勦尋以圖拉
無警還京仍任領侍衛內大臣預議政三十


一年五月

命往盛京察視邊隘至入虎口疾劇

遣太醫往視六月卒年六十有二櫬至通州

遣侍衛四人奠茶酒

賜祭葬如例子拉忻襲爵



滿洲名臣傳卷十七終

天保三

